

Werner Szendi

Inspiracija – stvaralački trenutak

"Crtanje je za mene kreativni proces koji ne počinje tek sa samom djelatnošću. Početak svakog stvaralačkog trenutka počiva po meni u samom životu. Spoznavanje tok trenutka, dopuštanje i primjenjivanje iskustva i inspiracije sačinjavaju put svakog umjetnika. Štafelaj i platno su alat moga izbora. Ono što se u toku crtanja očituje na bijeloj podlozi nije svedeno ni na određen stil ni na određene tehnike crtanja. Život kao i univerzum nisu rezultat ograničenja, nego proširenja – većinom s one strane naše sposobnosti predočivanja. Kreativni čin crtanja u meni uvijek pokreće putovanje ka mom istinitom Ja; i ujedno je meditacija, kontemplacija i refleksija. A prije svega izražaj životne radosti koju čutimo duboko u sebi. Tako u svojim slikama vidim i neku vrstu kanala za iscjeljujuće energije koje mogu da razviju svoje dejstvo, ukoliko to posmatrač dozvoli."

Poimanje svijeta i umjetnosti

Werner Szendi ŽIVI svoju umjetnost i još rano je uspio da dodijeli izražaj svojoj kreativnosti: „Od moje 16. godine života likovna umjetnost je važan dio moga života. Osjećam veliku zahvalnost za to da moje porodično okruženje nikad nije stavljalo kamenje na put mome umjetničkom zvanju. Sve do danas, kada moja životna saputnica prati i podržava moje slikarsko bivstvovanje i skoro svako „rođenje“ mojih slika doživljava „uživo“. Ona je više od muze na mojoj strani, sa kojom se svaki umjetnik rado kiti. Pripada joj bitna uloga kao konstruktivnoj kritičarki, prvom posmatraču umjetničkih djela i često pomoćnici kod davanja imena“, objašnjava Szendi, čije slike nikada ne napuštaju njegov atelje bez imena. „Svako biće u univerzumu oživljava tek nakon davanja imena. Davanjem imena stvaralaštvo dobija sopstveni identitet. Mi spoznajemo i nadvamo imena“, stoga je, kako nastavlja umjetnik, ime ili naziv slike neka vrsta putokaza za posmatrača. „To je prvo obraćanje posmatraču slike.“

Vidljivi materijali i mentalna energija

Umjetnik Werner Szendi odlikuje se time što koristi više od vidljivog formalnog jezika: "Ne određujem se prema stilskim pravcima, materijalima niti oblicima prikazivanja." Ovaj Austrijanac se štaviše orijentiše prema velikim majstorima talijanske renesanse, čija je energija stvaralaštva sprovedena u mnoštvu oblika. Szendi radi sa vidljivim i "nevidljivim" materijalima. Njegova se umjetnost prikazuje vidljivom za naše oči pomoću olovke, akrilnih boja, ulja, zlatnih listića i poludragulja, a on za naše duhovno oko ulijeva spiritualnu energiju u svoje slike. Stoga su mnoge od njegovih slika naručena djela za zdravstvene institucije i nalaze pristup u ordinacije lječitelja i ljekara.

Biografija umjetnika

Austrijski umjetnik Werner Szendi rođen je 1966. u gradišćanskom mjestu zvanom Güssing. Mladost je proveo u južnom Gradišću, prirodnom i kulturnom krajoliku sa kontemplativnim poticajem. Njegovo umjetničko stvaranje počinje rano, Szendi već sa 18 godina crta naručena djela za okolne crkve. Bavljenjem sakralnom umjetnošću, ovaj mladi umjetnik otvara se tehnikama starih majstora. Neskućene stvaralačke umjetničke duše jednoga Leonarda da Vinciја ili Mikelandela Buonarottija i danas imaju uticaj na njegovo poimanje umjetnosti. U devedesetim godinama Szendi crta u različitim stilskim pravcima i posvjećuje se različitim temama. Selidbom u Beč uslijedile su prve veće izložbe u Austriji i Turskoj, kao i učestvovanje na umjetničkim sajmovima u zemlji i inostranstvu. Aktualni projekti će ga u budućnosti odvesti u Njemačku i pojačano u arapski prostor, prije svega u

Werner Szendi

Dubaji. Ovaj umjetnik podržava i socijalne projekte (<http://projektalice.org>) i izlaže umjetnost na javnom prostoru (www.radissonblu.de/palaishotel-vienna). Njegove slike se nalaze na omotima knjiga, ilustracijama plakata, najavama mjuzikla i ostalih priredbi. Szendi je 2005. dobio slavnu švicarsku nagradu za umjetnike ARS NOVA SUISSE. Werner Szendi živi i radi u Beču.

DANKE für die Bosnisch-Übersetzung!

Mag. Sandra Harbaš
Diplomierte Übersetzerin
Allgemein beeidete und zertifizierte Gerichtsdolmetscherin
für die bosnische, kroatische und serbische Sprache
Sprachkursleiterin

www.sandrahargas.com

www.szendi.at